

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De monachis in Thebaide degentibus, Apollo, Dorotheo, Piammone,
Ioanne, Marco, Macario, Apollodoro, Mose, Paulo, qui vitam Pherina
agebat, Paco Stephano, & Pior. Capvt XXIX.

urn:nbn:de:hbz:466:1-12718

SOZOMENI HISTOR.

egit, & monachis circiter decem millibus præfuit. Quos omnes sic instituit, ut propriis laboribus res necessarias, tu pararent sibi, tum aliis egentibus suppeditarent. Tempore verò æstatis mercede conducti, solent fruges demetere, inducti satis frumenti & sibi reponebant, & aliis monachis impertiebantur. Diöscoro autem non plures, quam centu fuere in disciplinam traditi. Qui cum esset presbyter, sacerdotio summa cum diligentia perfunctus est: inq; eos, qui ad sacra accedebat mysteria accuratè inquisiuit, & exquisitum de illis exercuit iudicium: adeo ut nisi mente ante perpurgata, & nullius admissi sceleris conscientia ipsi accedere non auderent. Itemq; in dandis sacris mysteriis Elogius presbyter eodem tempore etiam multo accuratius in hominum vitam inquirere solet: quem ferunt, cum sacram faciebat, mentes accendentium ad mysteria ita præsci uisse, ut peccata eorum palam coargueret, & res in cuiusq; mente occultaras perspicue contueretur. Itaque eos, qui aliquid delicti admiserant, aut de aliquo improbo facinore consilium inuierant, ad tempus arcebat ab altari, peccatumque eorum planum omnibus fecit: quos postea penitentia purgatos denuò ad mysteria admisit.

De monachis in Thebaide degentibus, Apollo, Dorotheo, Piammone, Ioanne, Marco, Macario, Apollodoro, Mose, Paulo, qui vitam Pherina agebat, Paco, Stephano, & Pior.

CAPVT XXIX.

IN istoru numero Apollo quoq; fuit, qui vixit in Thebaide: Hic cum pubescere inciperet, vitæ monastica se dicauit. Qui cum in solitudine ad quadraginta annos vixisset, diuino oraculo iussus, speluncam ad radices montis cuiusdam locis ab hominibus habitatis vicini occupauit. Qui etiam præ miraculorum multitudine breui magnam nominis celebritatem est consecutus, & q; plurimis præfuit monachis. Nam tam utilibus ad vitam disciplinis vtebatur, ut multos alliceret. Sed quænam fuerit eius disciplinæ ratio, & quanta qq; diuina fecerit miracula, Thimotheus ecclesiæ Alexadrinæ antistes accuratè narrat: qui nō illius modo, sed aliorū etiā cōplurium, de quibus facu est

est à me mentio, vitas literis persecutus est. Eodem tempore erant præterea multi pīj viri, qui hoc vitæ genus studiose colebant circa Alexandriam, ad duo circiter millia. Quorum alij solitudines accolabant: alij prope Mareotē & confines Libyes habitabant. Inter quos facile illustrissimus fuit Dorotheus, genere Thebanus. Cuius hæc vitæ ratio erat. Interdiu lapides ex mari, quod erat in proximo, colligere, inq[ue] annos singulos paruulam domum extrudere solebat, & eam dare his, qui sibi domum ædificare non poterant. Noctu autem folia palmarum noctebat textura tortili, & ex illis sportulas conficiebat, quibus viðum sibi suppeditaret. Cibus erat illi panis sex vnciæ, & fasciculus minutorum olerum: potus autem aqua. Quod genus seueræ disciplinæ cum ab ineunte ætate excoluisset, ne in ipsa quidem senectute remisit. Nunquam visus est vel super stœream, vel super lectum dormire, vel pedes, quò corpus relaxaret, extendere, vel sua sponte quieti se tradere: nisi quod dū aut opus faciebat, aut capiebat cibū, à natura coactus clausit fortè oculos: adeo ut non raro ei inter comedendum dormiscenti cibus ore excideret. Nam quodam tempore somno supra modum oppressus, inscius in stœram delapsus est. Ob quod factum magno affectus dolore, submissa voce dixit: Si angelos poteris ad dormiendū impellere, poteris etiā hominē seueræ disciplinæ deditū. Seipsum quidē significauit, dicto ad somnum fortasse relato, vel ad dæmonem, qui studiosis actionibus impedimento esse solet. Cui quidam ita se affligéti accedens, cur, inquit, ita corpus conficis? quia illud, inquit, me conficit. Præterea Piammon & Ioannes id temporis quoq[ue]; circiter διολακόη Aegypti celeberrimis præfuerent monasteriis. Exquisitissime autem sacerdotio (presbyteri enim erat) & summa cū reuerentia perfungebantur. Traditum verò est Piammonem quodam tempore, cum sacrum faciebat, vidisse circa sacram mensam stantem angelum Dei, & monachos præsentes in libro scripsisse, absentes verò inde deleuisse. Ioanni autem tantam vim cótra ægrotationes & morbos do nauerat, vt multos podagra laborantes, & articulos membrorum habentes resolutos sanaret. Per illud idem Beniamin, ætate admodum prouectus circa Scetin in monastica

T iiij vitæ

SOZOMENI HISTOR.

vitæ disciplina tempus ætatis summo cum splendore triuit: cui deus largitus fuerat, ut sola tactione manus auro, supra quod orabat, absque medicamentis ægrotos omni morborum genere liberaret. Qui cum talis esset, dicitur in aquam intercutem delapsum, ita corpore intumuisse, ut per fores domus, in qua ætatem degebat, efferti non potuisset, nisi postes vna cum foribus demoliti fuissent. Inter ægrotandum autem, cum in lecto iacere non posset, circiter octo menses in sella latissima sedisse: & licet alios morbis vexatos sanare consueisset, nequam tamen ægrè tulisse, quod se ipse morbo quo labrabat, eripere non posset: imo vero eos, qui ipsum visabant, cōsolatum esse, orauisse, ut pro anima sua Deo processerent: de corpore se nihil laborare: quandoquidem, inquit, cum rectè valeret, nihil me iuuat, & cum iam affligatur, nihil laedit. Eodem tempore Marcus ille multorum sermone celebratus, Apollonius iuuenis, & Moses æthiops in Scete ætatem egere. Fertur Marcum, cum adhuc adolescens esset, mansuetum in primis & temperatam fuisse, sacras literas memoria tenuisse: adeo etiā deo charū, ut Macarius constateret affirmaret, cū ipse esset presbyter Cellinorum, eum nunq; à se ea mysteria accepisse, quæ fas est sacerdotibus in sacra mensa hominibus initiatis dare, sed angelū ei illa dedisse: cuius manum solum ad iuncturam vsque brachij se vidisse dicebat. Macario autem data est à Deo gratia, ut dæmones prorsus contemneret. Causa vero cur se initio vitæ monasticæ addixerit, fuit cædes non voluntaria. Nam cum adhuc puer esset, & oues circa lacum Maream pasceret, quandam ex qualibus inter ludendum forte interemit. Itaque ventus, ut daret pœnas, fugit in solitudinem. Posthac cum triennio sub dio vixisset, paruulam sibi domum ibi construxit, in qua viginti quinque annos ætatem degit. Itud quoq; de eo memorant hi, qui idē ipsum ab illo audiuerē, quod magnam pro calamitate illa gratiam haberet, cædemque eam non voluntariam appellaret salutarem, quippe quæ pia disciplina sibi, & beatæ vitæ causa extitisset. Apollonius vero, quamuis reliquo vitæ tempore mercaturam exercuisse, tamen ætate iam ingrauescente, ad

Scetin

Scetin profectus est. Accum secum consyderaret se per
æstatem nec scribere posse discere, neque vllam aliam ar-
tem, suis ipsius pecuniis omnia cum medicamentorum,
rum rerum aliarum ægrotis necessiarum genera coe-
misso traditur, & quotidie à primo mane vsque ad ho-
ram nonam per singula monachorum oltia perrexisse,
quò ægrotos inuiseret. Quod genus disciplinæ cum ne-
cessarium sibi & accommodatum comperisset, in eo
quod reliquum erat ætatis transegit. Cum autem iam
esset è vita migratus, ea, quæ possidebat, alteri tra-
didit, deditque in mandatis, vt eadem ipse pietatis of-
ficia obiret. Moses verò, cum seruus esset, ex ædibus
domini sui propter improbitatem eiectus est: atque ad
latrocinium conuersus, manipulo latronum præfuit. Qui
post multa admissa scelera, post multas cædes factas, re-
pentina facta mutatione, vitæ monasticæ se tradidit, atq;
ex insperato ad piæ viuendi disciplinæ perfectionem ve-
nit. Nam cum præ firma corporis constitutione, quam
ex priore vitæ ratione consecutus fuerat, adhuc ef-
ferueretur, & visis voluptatum sibi obiectis commoue-
retur, infinitis fere exagitationis generibus corpus ma-
cerare coepit: nunc exiguo pane siue obsonio vtendo, mo-
do operis faciendo plurimum, aliquando quinquagesies
orando, interdū ad sexennium singulas noctes integras ad
preces faciendas pedibus consistendo, totoq; illo spatio
neq; flectere genua, neq; oculos ad somnū capiendū oc-
cludere voluit: non raro etiam noctu per monachorum
domicilia transiens, hydriam cuiusque clam aqua imple-
uit. Quæ res erat sanè valde laboriosa. Nam locus, vnde
aquā hauriebant, ab aliis decē stadia, viginti ab alijs, à non
nullis amplius triginta absuit. At tametsi seriò operam
dabat crebris exercitationibus vires debilitare, & corpus
graibus laboribus premere, tamē magna ex parte vtraq;
non minus integra, quam antè, remanserunt. Nam tradi-
tum est latrones quodā tempore indomū, vbi solus vitā
colebat monasticā, irruptionem fecisse: eum illos omnes
cōprehēdīsse, constrinxisse vinculis, & cū quatuor essent
numero, humeris imposuisse, deportasse in ecclesiā, cau-
sam illorum monachis collegis permisisse, perinde atque

T iiiij sibi

S O Z O M E N I H I S T O R .

sibi licere non putaret quenquam vlo afficere incommodo. Memorant enim nemini tam egregiam à vitiositate ad virtutem mutationem accidisse : quandoquidem & in disciplina monastica peruenit ad summum, & id à Deo consecutus est, vt ingentem dæmonibus iniijceret terrorem, & presbyter monachorum in Sceti ætatem degentium fieret. Qui cum talis esset, multos post se optimos reliquit discipulos, & circiter septuaginta quinq; annos natus, exiuit è vita. Eodem regnante imperatore, vixere Paulus, & Pachō, Stephanus & Moses, ambo Libyes, & Pior etiam Aegyptius. Paulus quidem domicilium habuit in Pheme, qui est mons in Sceti : cui fuere discipuli non pauciores quinientis. Nullum opus faciebat, neque à quopiam quicquam sibi accepit, præterquam id solum, quod edebat. In precibus solum se defixit, & in dies singulos trecentas orationes Deo, velut tributum quoddam reddidit. Ac ne per imprudentiam in numero erraret, trecentis lapillis in sinum coniectis, ad singulas preces singulos inde eiecit lapillos. Consumptis igitur lapillis, constabat sibi orationes lapillis numero pares ab se expletas esse. Pachon vero id temporis in Sceti magna cum nominis celebritate vivit : quem constat ita vitam ab incunre ætate ad summam senectutem instituisse, ut quamvis corpore esset bene constituto, tamen neque perturbatio animi, neq; dæmon eum ignavum in rerum continentia earum, quas virum pia vivendi disciplinæ dicatum reprimere decet, aliquando deprehenderit. Stephanus circiter Mareotem non longe à Marmarica habitauit, quem memorie proditum est, exquisitum in primis, & perfectissimum disciplinæ genus excolluisse, & ad sexaginta annorum spatium monachum fuisse spectatissimum, & Antonio magno familiarem. Mansuetus erat, & valde sapiens : in colloquio dulcis & fructuosus, atque ad animos eorum, qui mœrore premebantur tum permulcendos, tum ad solatium ac iucunditatem triducendos, etiamsi doloribus necessariis antè occupati fuissent, admodum habilis idoneusque. Similem quoque se præbuit suis ipsis calamitatibus. Nam cū gravi morbo, & insanabili illo quidem oppimeretur, adeo ut membra eo corrupta medicis excidenda traderet, tamē

opus

opus facere, foliaque palmarum manibus contexere complicareque non destitit. Atque eos, qui aderant, cohortatus est, ut de suis calamitatibus non dolerent, neque aliud quicquam cogitarent, nisi quod ea, quae a Deo fiunt, omnino ad bonum finem spectarent, & quod sibi vtile foret, in eiusmodi cruciatus incidiisse, idque pro peccatis fortasse, pro quibus praestaret hic pœnas, quam post hanc vitam, persoluere. Moses autem cum ob mansuetudinem & charitatem erga omnes, tum ob morborum curationem, quam precibus solum effecit, magnâ laudem consecutus fuisset traditur. Pior, cum statuissest ab ineunte adolescenzia vitae monasticæ se consecrare, eo ipso temporis vestigio, quo ea de causa paternis ædibus egressus sit, spopondit deo se de cætero neminem ex suis aliquando oculis aspecturum. Post annos quinquaginta, soror accepit eum ad huc viuere. Quæcum præ immenso gaudio nuntij tam insperati esset penè obstupefacta, quiescere non potuit, nisi fratrem oculis intueretur. Quam ætate proiectam lamentantem & implorantem in hac re auxilium, episcopus illius loci commiseratus, scripsit ad praesides monachorum in solitudine degentium, ut Piorem ad se mitterent. Qui iussus, eo profectus est, quippe cum non posset illis contradicere. Nam non fas erat monachis Aegypti, credo ite alijs, imperatis resistere. Ille igitur, uno secum assumpto, venit in patriam. Atque stans pro foribus domus paterna, signum dedit se venisse. Vbi verò fores crepare sensit, oculis occlusis, sororem nomine compellauit: dixitq; Ego Pior, frater tuus. Age, me contuere, quantum lubet. Illa igitur mirè hac de re oblectata, gratias deo egit. Is autem cum prope fores precatus esset, reuertitur ad locum in quo habitabat. Ibi puto defosso, aquam repperit amaram: qua quidem aqua potionis loco ad extremum vitæ diem vissus est. Posterum autem tempus disciplinæ illius & continentiae severitatem evidenter declaravit. Nam eo mortuo, cum non pauci vitam monasticam in eodem loco exigere conarentur, nemo eorum aquam ferre potuit. Equidem ipse mihi pro certo persuadeo non fuisse ei difficile, si natam austera disciplina modum sequi decreuisset, precibus aquam amaram in dulcem conuertiisse: præsertim cum

T v perfecisset

S O Z O M E N I H I S T O R.

perfecisset, ut alio quodam in loco, vbi nulla aqua omnino extiterat, aqua erumperet. Nam memoratum est Moses cum suis monachis quodam tempore quando putoem defodiebant, quoniam neque vena, quam se reperturos sperabant, appareret, neque aqua in profundo emerget, ab opere iam destitutos fuisse, nisi Prior circiter meridiē illis forte interuenisset: qui cum eos salutasset, dissidentiaq; & imbecillitatis animi arguisset, descendit in fossam, & ornuit. Cumque terram ligone iam tertio percusisset, aqua confessum erupit, & fossam cōpleuit. Prior, precibus factis, discessit: qui à Mose & monachis eius rogatus, ut cibū apud ipsos caperet, noluit, sed dixit se non ea de causa ad eos missum, atque rem, ob quam ipse venerat, iam esse confessam.

*De monachis, qui in monasteriis Scetis vixerunt,
Origine, Didymo, Cronione, Arsisio, Putabaste,
Arfione, Serapione, Ammonio, Eusebio, & Di-
oscoro, fratribus, & iis qui longi nominabātur,
& Enagrio philosopho. CAP. XXX.*

Eodem tempore in monasteriis Scetis floruerūt, Origenes senex unus ex discipulis Antonij magni, qui adhuc supererat, & Didymus, & Cronion annos iam circiter decem & centum natus, & magnus Arsisius, & Putabastes, & Arfion, & Serapion, qui eisdem cum Antonio vixerunt temporibus: quique cum in disciplina monastica consenuissent, monasteriis iam tum in eo loco positis præfuerunt. Rursus alij complures præclarū & boni viri, quorum alij erant adolescentes, alij ad robustā ætatem peruererant, in magna celebritate vñā cum illis vixerunt. Porò Ammonius, Eusebius, & Dioscorus, per idem tempus magni nominis fuere: isti fratres erant inter se, & propter corporis staturam, Longi vocabantur. Traditum est istū Ammoniū ad perfectissimū monasticæ vitæ ac disciplinæ modum venisse: voluptatē & mollitiē fortiter deuicisse, literarum suissē & doctrinæ adeō studiosum, vt Origenis, Didymi, & aliorū scriptorū ecclesiasticorū libros diligenter euolueret: à primo tempore ætatis ad extremum vitæ diem